

Otvoren Drugi međunarodni plivački miting "Mladi za mlade"

U Olimpijskom bazenu Otoka danas je svečano otvoren Drugi međunarodni plivački miting "Mladi za mlade" u organizaciji istoimenog udruženja i Plivačkog kluba Sporttime, te suorganizaciji Olimpijskog bazena Otoka.

Vrijeme objave: 19.10.2013 20:07

Posljednja izmjena: 20.10.2013 00:18



Nakon svečanog defilea i intoniranja himne, miting je otvorio direktor Olimpijskog bazena Avdija Hasanović.

U prvom dijelu takmičenja najperspektivniji plivač u Kantonu Sarajevo Amar Šapčanin iz PK Sport time postavio je rekord Bosne i Hercegovine.

U nedjelju, dugog dana mitinga, održat će se finalne utrke, te Grand prix utrka u disciplini 50m kraul u muškoj i ženskoj konkurenciji.

Za najbolja isplivana vremena Grand prix utrke dodjelit će se nagrade - paket sportske opreme, koju će uručiti ambasador Bugarske u BiH Angel Angelov.

U završnom dijelu takmičenja dodjelit će se novčane nagrade za najbolja isplivana vremena.

Projekat je humanitarnog karaktera u kojem se kupovinom ulaznica doniraju sredstva Udruženju za unapređenje obrazovanja i podrške djeci sa i bez poteškoća u razvoju -

EDUS, s ciljem podrške radu i potrebama koje su neophodne za kvalitetniji rad s djecom, saopćeno je iz JKP Olimpijski bazen Otoka.

federalna.ba/Fena

<http://www.federalna.ba/bhs/vijest/77981/kupovinom-ulaznica-doniraju-se-sredstva-udruzenju-edus>